

حلم ولا علم

معقولة

موصوف لى أنا

عين الجمال!

مبهورة عيني واللسان..

عاجز باناه يفسره

جمال عجيب فوق الخيال

تعجز عقولنا تقدره

خدنى لحتة منه فيه

فوق ما الخيال يتصوره

احساس جميل

ملوش مثيل

ساعتين كبار

وانا في المدار

مين كان معايا يفسره

أنا رحى فين

دى جنة ولا ايه تكون

يا عم شعر.. و انت فين

تيجى تشوف وتصوره

والا انت آخرك كلمتين

ترسم ملامح من بعيد

عن منظره

اللّٰه يا ربّي على الجمال
خدني لفوق
وهناك بعيد
العقل كان هيّطيره
فصحيّت أدورّ فين انا
طب قلعي فين
عجز الكلام
فوق السطور
ولو بكلمه يصوره
طب مين قولولي يفسره
عراف ده مين
ولا ألف زيّه يفسروه

ده الحلم كان

احساس جميل

عدى بقلبي وخضره

أشبهه بجنة دخلتها

بجد مش بنهزرو

وانا الوحيد

بس الوحيد

اقدر لوحدى أفسره

كان حلم خدنى من الخيال

ومن الغلا ومن العيال

حتى أمهم

سابوا خيالى بخطرهم

كل الحاجات المؤلمات

انسحبوا منى من سكات

جه خدنى منى بسترتى

ودانى قلب الامنيات

يا فرحتى

وطلع بى فوق..

فوق الجميع

مين فيكوا خش الجنة

من قبل الأوان

لو أمنيات

زى اللى فاكر أنه مات

ولا عادش ساكن حيهم

وناوى يسكن جوه حلمه

هناك بعيد

مع ناس جمال كان حيهم

قاعدة هناك

ت. س. ت. ن. ظ. ر. ه